

ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Nalětnik 2024
28. lětnik, 282. wudaće

Sněhakowarske lěhwo

Wot 29. januara do 2. februara podachmy so - rjadowni 8 - do sněhakowarskeho lěhwa do Altenberga. Rozprawjamy wam wo našich dožiwjenjach.

Póndźela

Rano zetkachmy so při dwórnišću w Kamjencu a podachmy so z áhom na puć. Hdyž přijědžechmy do Altenberga, rozdžělichmy so do wšelakorych stwow. Po tym běžachmy k wupožčowarni, zo bychmy sej sněhakowanske wuhotowanje wotewzali. Prjedy hač z jězdženjom startowachmy, scóplichmy so a rozdžělichmy so do dweju skupinow. W jednej skupinje běchu šulerjo, kotřiž zamóžachu sněhakować, w druhej skupinje běchu nowačkojo. Z tak mjenowanym „kuzłanskim přestrjencom“ („Zauberteppich“) jědžechmy na horu a zwučowachmy wotjězd. Wažna bě při tym technika borzdženja. Wokoło 16 hodžin wopušćichmy pistu. Po wječeri wuhódnoćichmy zhromadnje přeni dzeń a padnychmy sprócni do łoża.

Wutora

Džěchmy na pistu a wjedžechmy sněhakowarsku wučbu wot 10 hodž. dale. Kóždy postupowaše - wosebje šulerjo, kotřiž dotal hišće žane sněhakowarske nazhonjenja njemějachu. Wjedro bě přijomne a slónčne, štož nam hišće wjac wjesela



wobradžeše. Bohužel nječujachu so někotři z nas tak derje a podachu tohodla po wobjedowej přestawce wróco do młodownje. Zbytk měješe nětko móžnosć, w małych skupinach sam jěć. Hakle wokoto 16 hodžin wopušćichmy pistu. Wječor wobhladachmy sej wšitcy hromadže lodohokejowy film, kotryž je so wšitkim lubił.



Srjeda

Po snědani podachmy so na pistu a sćoplichmy so tam. W skupinach smy po pisće dele jěli a so w technice z kijemi a w slalomje wukmanili. W připotndišej přestawce smy mocy za druhi džěl dnja hromadžili, kotrež hnydom trjebachmy. Wučerjo natwarichu „Delanski-Super-Dži“, to je slalomowa čara po pisće.

Wšitcy smalachmy po čarje dele, dokelž chcyše sej kóždy přenje městno wudobyć. Njejsmy pak hišće zhonili, što z nas je dobyćer. Wokoto 16 hodžin podachmy so wróco do młodownje, hdžež wotpočnychmy a hry hrajachmy. Někotři z nas hrajachu z wučerjemi poker a zdobychu sej mnoho hrajných pjenjz.

Štwórtk

Na tutym dnju pućowachmy k bobowej čarje, zo bychmy sej swětowe mišterstwa w bobje, spěšnosankowanju (Rennrodeln) a skeletonje wobhladali. Mějachmy wulke zbožo, zo móžachmy sej na tutym dnju wubědžowanje darmotnje wobhladać. Młoda žona, kotruž zetkachmy, wjedžeše nas po arealu. Wona rozkładže mnoho k natwarej čary a wubědžowanju. Potom předstaji so nam jako Julia Taubitz, kotraž doby sej hižo pjeć króc zlotu medalju w spěšnosankowanju. To běše zajimawe zetkanje.



Pjatk

Po snědani zapakowachmy drasty, tak zo běchmy wokoto 11 hodž. při dwórnišću. Naš čah měješe wokoto 11:10 hodž. přijěć, ale zapozdži so. Dla zapozdženja móžachmy w Drježdžanskim hłownym dwórnišću wobjedować a nakupować. Skónčnje běchmy wokoto 13:25 hodž. při Kamjenskim dwórnišću. Sněhakowarske lěhwo bě wulkotne nazhonjenje a móžnosć, sněhakowarske zamóžnosće wukmanić

abo sněhakowanje nawuknyć. Smy jara wjele nazhonjenjow nazběrali a předewšěm mějachmy wjele wjesela! Džakujemy so wšěm, kotřiž nam njezapomnity čas zmóžnichu.

- tekst: Louisa Domanic, Judit Šurec a Milan Borška; wobrazy: Jan Rjeda -

Serbska wyša šula Ralbicy z 1. městnom mytowana




Hornjołužiska hola a haty (OHTL) wuwola w lěće 2023 wubědźowanje k wuwicu regionalnych kubłanskich projektow, za kotrež móžachu so namjety mjez 25.05.2023 a 28.08.2023 zapodać.

Pytaše so za naslědnymi projektowymi idejemi, kotrež spěchuja načasne kubłanje tuteje wokoliny. Serbska wyša šula Ralbicy wobdźěli so na mjenowanym wubědźowanju a zapoda swój projekt „1. regionalne powołanske wiki“, kotrež bě w oktobrje 2022 k přenjemu razej přewjedła.


Zjawne mytowanje zapodatych projektow přewjedže so štwórtk, dnja 30.11.2023 w Radworju w ramiku lětušeje regionalneje konferency. Zdobyte přenje městno bu z 5.000 eurami preměrowane. Tute pjenjezy maja so za planowanje a přewjedženje „2. regionalnych powołanskich wikow“ wužiwać. Wone wotměja so w přichodnym šulskim lěće dnja 01.10.2024.

- Milenka Koberowa -



**Přejemy wšitkim šulerjam a šulerkam,
staršim a dalšim swójbny m rjany
dojutrowny čas kaž tež žohnowane jutry.**

Waš wučerski kolegij





Naši lětuši křižerjo



	Kak rěkaš?	Kotry raz?	W kotrej wosadže?
šulerjo	Maik Rücker	1	Ralbicy
	Sören Čórlich	1	Ralbicy
	Cornelius Korch	1	Kulow
	Lenny Michałk	1	Kulow
	Luis Suchy	1	Kulow
	Liwijs Frencl	2	Ralbicy
	Pawl Mikławšk	2	Chrósćicy
	Emmanuel Čórlich	2	Kulow
	Patrik Mikławšk	2	Kulow
	Jan Laurin Suchy	3	Ralbicy
	Damian Krječmar	3	Kulow
	Paul Šnabel	3	Ralbicy
	Milan Zahrodnik	4	Chrósćicy
	Wito Bulank	2	Ralbicy
	Niklas Wjela	4	Chrósćicy
wučerjo	Jan Rjeda	24	Pančicy-Kukow
	Křesćan Zahrodnik	21	Chrósćicy
	Mathias Kliemank	14	Kulow
	Michał Wowčer	18	Chrósćicy

INFORMACIJE – TERMINY – WŠELČIZNY

- | | |
|--------------------------------|---|
| 1. nalětnika | 8. lětnik - wopyt sudnistwa w Budyšinje |
| 11. do 15. nalětnika | "Schau rein"-tydžeń wotewrjenych zawodow |
| 14. nalětnika | htd-wubědźowanje 9. lětnika we Wojerecach |
| 15. nalětnika | knjez Herrnsdorf - projekt 9. lětnika |
| 18. do 22. nalětnika | rjadowniska jězba 9. lětnika do Weimara |
| 27. nalětnika | wariabelny swobodny dzeń |
| 28. nalětnika do 5. jutrownika | jutrowne prózdny |